

Yn anffodus mae Mrs Eirian Morgan gartref yn sâl ond da yw deall ei bod yn teimlo'n well. Rhaid diolch i Mrs N. Collins a Mrs D. Ralphs am ein cynorthwyo yn absenoldeb Mrs Morgan. Y mae Mrs C. M. James hefyd yn absennol o'r gegin ond deallir ei bod hithau ar wellhad. Croeso cynnes i Mrs M. Brickley sydd wedi dod yma i lenwi'r bwlch dros-dro.

Dymunwn yn dda i Kay Smith a Helen Sutherland a ddewiswyd i chwarae'n y gerddorfa.

Bu pump o'r plant yn y Gwersyll yn Llangrannog ddechrau'r mis a chael hwyl arbennig yno.

Ni chawsom yr Wyl Ddiolchgarwch arferol y flwyddyn hon ond trefnwyd cornel o addoli ac allor ym mhob ystafell. Teimlem ei bod yn bwysig inni gyd-gofio bod angen diolch yn wastadol ac nid ymneilltuo i un ystafell i gynnal gwasanaeth arbennig o ddiolch am rhyw awr neu fwy. Bu plant pob dosbarth yn ysgrifennu gweddïau ac yn cyfansoddi emynau a bu'r arbrawf yn llwyddiant.

Hydref 1981

Braf oedd cael croesawu chwech disgybl newydd ar ddechrau'r tymor. Y mae Thomas Booth, Nicholas Foley, Gwion Lewis, David Rhodri Jones, Kerri Rhian Evans a Katherine Hughes yn hapus iawn yn ein plith. Hyfryd hefyd yw gweld y nifer ar y cofrestr yn cynyddu. Y mae ar ddechrau'r tymor hwn fwy o blant yn yr ysgol nag a fu ers blynyddoedd lawer. Dyna'r rheswm wrth gwrŷ dros i ni gael caban symudol yn ystod gwyliau'r haf ac erbyn hyn mae Mr Jones a'i ddosbarth wedi cynefino â'r adeilad newydd. Balch ydym hefyd o gael croesawu Mrs Ll. Williams i'n plith. Y hi'n awr sydd â gofal y plant ieuangaf.

Ar ddechrau'r tymor cawsom gwmni Miss Helen Edwards a Miss Jane Rosser a oedd yma'n gwneud eu hymarfer dysgu. Bu'r ddwy'n weithgar iawn ac heb os bydd llwyddiant eto'n eu dilyn.